



UKA 2017/95

4/10-2017

Randi Vestergaard Evaldsen

**Uunga siunnersuut: Kalaallit Nunaanni aalisarnermi pisuussutini akitsuusersuineq pillugu
Inatsisartut inatsisaat nr. xx, xx. xxx 2017-meersoq.**

(Aningaasaqarnermut Akileraartarermullu Naalakkersuisoq)

(Siullermeerneqarnera)

Imaani aalisakkat ataatsimoorluta inuiaqatigiittut pigivagut, taamaattumillu pissusissamisuginnarpoq avaqqunneqarsinnaanngilarlu inuiaqatigiit tamatta pisuussutitsinniit aamma arlaatigut pissarsinissaat, pisuussutit tamatsinnut iluaqutaaqqullugit.

Taamaattorli akitsuusersueriaatsimik tamakkiisumik allanngortitsineq paasissutissanik naammattunik tunngaveqarani aammalu "tusarniaavigineqartut " imaluunniit "suleqatit" inatsisissatut siunnersuummi, imminnut ilisarinnaanngimmataluunniit Demokraatiniit isornartutut aammalu akuerineqarsinnaanngitsutut isigaarput. Susasaqartut saneqqutaarneqarput aammalu malunnarpoq taakku namminneq aammalu Naalakkersuisoqarfiup ilisimannikkaa sumut atorineqarsimanersut. Demokraatiniit sakkortuumik Naalakkersuisut piumaffigaagut susasaqartut atorineqassasut aammalu inatsisinut taamaattunut atatillugu tusarniarneqartassasut taamaanngippat inatsisiliassaq, isumaqanngitsutut, inerneqartassaaq massakkutut.

Inatsit una namminerlunga eqqaamavara. Naalakkersuisuullunga aamma piumaffigineqarpunga susasaqartut allallu akuutissagikka. Tamannalu aallarniutigalugu eqqartuinerit aallartippat, kisianni malunnarpoq susasaqartut atorineqarsimannginneri. Allaanngilaq suleqatigiittoqarsimanngitsaq - taamatullu aamma malunnarpoq Naalakkersuisut qulaaniit aalajangersaasimasut tusarnaaratik. Naak taanna naalakkersuisoqatigiit suleqatigiissutissaanni eqqartorneqartoq "ammasuunissaq", oqaasiupput malitseqartinneqanngitsut.



Tamatta ilisimasatsitut Naalakkersuisut sulissutigaaat aalisarnermut inatsimmut nutaamut siunnersuutip naamassineqarnissaa, ungasinngitsukkut Inatsisartunut saqqummiunneqartussaassaaq. Siunnersuut tusarniaassutigineqartup sorpassuartigut aalisarneq ullumikkut ilisimasarput allangortittussaavaa. Allanguutissat soorunami inuussutissarsiortunut inuiaqatigiinnulluni pingaaruteqartussaapput. Taamaattumik piviusorsiornerorpasinngilaq, maani Inatsisartuni ullumikkut aalisarnerup iluani akitsuusersueriaatsit isummerfigissagatsigit, uffalu ilisimanagu, siunissami aalisarneq qanoq isikkoqarumaarnersoq. Eqqarsaatigilluagaanngilaq. Aalassatsitsivoq aammalu apeqqutit puttallaqattaartuarpup, uppernanngissutsimik pilersitsippup. Taamaattussaannngilaq. Oqareernittut tamatta pisuussutitsinnut akiliisoqartartussaavoq, kisianni apeqquterujussuarnik inatsisinut taamaattunut saqqummiisariaqarpugut, tamannalu pisussaaffittut isigaarput.

Demokraatiniit paaseqqipparput uani suliami pingaaruteqaqisumi aalisarnerup iluani kattuffiit susassaqaartullu akuutinnissaat eqqarsaataasimagunaraluartoq. Ernumanissamulli pissutissaqarpugut Polar Seafood taammalu Kalaallit Nunaanni Sulisitsisut Peqatigiiffiat isumaqarmata, akuutinneqarsimanatik. Pineqartut taamaasillutik tamarmik oqaatigaat, piareersarnermut suleqataasimallutik, tamannali suliap inernerani takuneqarsinnaanngitsaq. Polar Seafoodip aammalu Kalaallit Nunaanni Sulisitsisut Peqatigiiffiata sakkortuuliorlutik tikkuarpaat, oqaatigineqarusugatik inatsisissatut siunnersuummut suleqataasimasutut. Tamanna eqqarsariarnarpoq, Naalakkersuisunullu apererusunnarpoq, susoqaramiuna?

Demokraatiniilli illuatungaani nuannaarutigaaarpup, Naalakkersuisut kattuffiit susassaqaartullu akuutissimammattigit, aappaatigulli eqqumiillioqaagut Naalakkersuisut taakkunanngaaniit naammagittaalliutigineqartut tusaanngitsuusaarsimammattigit. Akuusut, tassalu susassaqaartut, Naalakkersuisut, Naalakkersuisoqarfiillu tamarmik taamaasillutik sulilussinnartinneqarpup.

Atuarsinnaavarput Naalakkersuisut naatsorsuutigigaat, inuiaqatigiit iluanaarutissaat tamakkiisut amerliumaartut manna inatsisissatut siunnersuut pissutaalluni. Peqataanik Naalakkersuisut aamma naatsorsuutigaaat aalisarnerup akilersinnaassusaa qaffakkumaartoq. Uagutsinnulli tamanna



paasiuminaappoq. Qanoq ililluni inuussutissarsiutip akilersinnaassusaa qaffassinnaava, inuussutissarsiummi atugassaritinneqartut ajorseriartinnerisigut? Tamatuminnga Aningaasaqarnermut Akileraartarnermullu Naalakkersuisup nassuiaatilaartariaqarpaatigut.

Demokraatiniit isumaqarpugut, ajussasoq siunnersuut manna piviusunnngortinneqassappat, maannagaaq ilisimannnginnatsigu, aalisarnermut inatsisissaq qanoq isikkoqalerumaarnersoq.

Oqaaseqaatigut tunngavigalugit taamaattumik inassutigaarput, Naalakkersuisut siunnersuut tunuartissagaat nutartikkamillu saqqummiusseqqillutik aalisarnermut inatsit nutaa akuerineqarsimalerpat. Tamakkiisumik ataqatigiittumillu aaliangiinissarput perusukkatsigu.